



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelia Geographiae Veteris Et Novae

Parallelia Geographica Italiae Veteris Et Novae

Briet, Philippe

Parisiis, 1649

Nvm. 3. De Marrucinis.

urn:nbn:de:hbz:466:1-13120

bus ab Umbriâ distinguebatur; à Septentrione mari quoque Superō tingebar; denique à Meridie fluuius Matrinus Atri, hos à Vestinis disungebat.

DIVISIO. Picenum aliud est Verum, aliud Adiectitium: tres autem agri additi sunt Piceno, Palmensis, Pretutianus, & Hadrianus.

PALMENSIS AGER, cuius mentionem facit Plinius, ut Cluverius arbitrabatur extendebatur à Truento fluuiio Tronto ad Helvinum Fl. hodie Salineli: sed iam pridem accesserat Piceno expulsis ex eo Liburnis: & eius extare vestigia putat Cluverius in turre maritimâ, vulgo *Torre di Palma*.

PRÆTUTIANVS, aliter Præcutinus, & Præcutius, ut vult Leander, unde vina Prætutiana Plinio. Hic autem ager sicut & subsequens à Piceno distinctus erat, nam Liuius post agri Piceni mentionem ait subsequi agros Prætutianum, & Hadrianum.

HADRIANVS ab Hadriâ vrbe nomen accepit, quam suspicor fuisse Coloniam Etruscorum qui ad Padum accolebant, & hic ager quemadmodum & præcedens tantum sub Imperatoribus adiecti sunt Piceno.

NVM. 2. De Vestinis.

NOMEN. Suidas Βεστίς appellat, & sic dictos esse credit obferinos, & belluinos mores ἔργος γνειῶδες τὸν τρέπων.

ORIGO. Quænam fuerit eorum origo dubitatum à quibusdam. Samniticam gentem vocat Strabo; alij tribuunt illis genus Illyricum. Vestini fuere fortissimi, seu cum prima gessere bella cum Romanis, seu eos sequuti sunt ad orbem edemandum, seu cum bello Marsico tam fortiter cum aliis sociis pugnauere.

FINES. A Septentrione Mattino Fl. dividuntur à Piceno; ab Occidente Aterno Fl. à Marsis; ab Meridie codem Aterno Pescara à Pelignis, & Marrucinis: ab Oriente denique Supero mari verberabantur.

NVM. 3. De Marrucinis.

NOMEN & ORIGO. Aliter Maruncini, corruptè Appiano Maurocini: à Marsis nomen habent sic loquente Catone, Marrucini de Marso detortum nomen.

Parall. Geogr. Tom. II.

IIIi

FINES. A Septentrione Aterno Fl. dirimuntur à Vestinis; ab Occidente & Meridie Pelignis; ab Oriente Frentanis, & Mari Supero.

N V M. 4. De Frentanis.

NOMEN & ORIGO. Gens Samnitica, inquit Strabo lib. 5. utrum autem dicta sit à Fluvio Frentone hodie Forore, an hic ab illis, statui non potest; corruptè Ferentani aliquando leguntur.

FINES Frentanorum ab occidente sunt Peligni, & Marrucini; ab Oriente & Septentrione Mare Superum; de Meridie maior difficultas, ob varias discrepantesque sententias. Nam Plinius lib. 3. cap. 11. Larinates vocat cognomine Frentanos, quod & facit Tullius oratione pro Cluentio: tamen Plinius oblitus sui, & Mela Fl. Tifernum, hodie Biferno Frentanorum limitem statuunt Quæ ut conciliat Cluuerius putat Frentanos olim ad Frentonem extensis, quod ex nomine satis colligitur, postea Tiferno Fl. à Romanis coërcitos esse. Cæsar autem lib. 1. de bello ciuili Frentanos, Larinates, Apuliam à se inuicem distinguit, cùm ait, se peruenisse per fines Marrucinorum, Frentanorum, Larinatum, in Apuliam.

N V M. 5. De Pelignis.

NOMEN Pelignorum apud Græcos miserè deformatum est: nam Diodorus Sic. eos Palinios, & Pallinos vocat, Appiano Παλινοὶ sunt; hos Festus putat dictos esse à Pelicio nepote Volsini Luculli.

ORIGO. Credit Festus origine Illyrios esse, & venisse Pelicium cum auunculo suo Volsino cognomine Lucullo in hanc regionem. Alij tamen vulgo Samnites appellant.

FINES. A Septentrione separantur Aterno Fl. à Vestinis: ab Oriente Marrucinis, & Frentanis: à Meridie Sagro Fl. Sangro, seu Sanguine à Samnitibus: denique à Meridie Marsos conterminos habent.

N V M. 6. De Marsis.

NOMEN & ORIGO. A Marro Marsi nomen accepisse perhibentur, qui dux eorum fuit, & de suo nomine Marrubium gentis caput condidit. Alij volunt à Marsyâ Phrygum rege dictos esse,